

Headline **HSBC-RBS anjur Ragbi Amal KL**
Date **14 Apr 2010**
MediaTitle **Kosmo**
Section **Sukan**
Journalist **N/A**
Frequency **Daily**
Circ / Read **115,967 / 406,000**

Language **Malay**
Page No **62**
Article Size **107 cm²**
Color **Black/white**
ADValue **494**
PRValue **1,482**



HSBC-RBS anjur Ragbi Amal KL

PERSIAPAN bagi Kejohanan Amal Ragbi Kuala Lumpur kali keenam pada April ini telah memasuki fasa terakhir dengan penaja utama, HSBC Bank Malaysia Berhad dan The Royal Bank of Scotland Berhad (RBS) mula mengumumkan badan kebajikan yang terlibat.

Jumlah derma yang terkumpul pada edisi kali ini akan didermakan kepada Rumah Amal Bethany yang dipilih oleh HSBC dan Pertubuhan Bantuan Wanita yang menjadi pilihan RBS.

Memasuki tahun keenam, kejohanan ini berjaya mengumpul dana berjumlah RM740,000 bagi keperluan rumah kebajikan di Malaysia termasuk Maklumat HIV/AIDS, Kanser Buah Dada dan Persatuan Stroke Kebangsaan.

Kejohanan ini dianjurkan oleh Dewan Perniagaan Malaysia Britain (BMCC) dengan sokongan oleh Hotel Shangri-La Kuala Lumpur.

Jon Addis, Pengarah Eksekutif dan Timbalan Ketua Pegawai Operasi (CEO) HSBC Malaysia berkata: "Ragbi adalah sukan yang semakin mendapat tempat di negara ini dan ia mampu membawa imej yang bersih, sihat, kukuh dan juga dinamik.

"Ia juga suatu sukan yang berkaitan dengan banyak perkara asas yang mana diguna pakai oleh HSBC dalam perniagaan seperti kepimpinan, integriti, keberanian dan ketahanan."

Pengarah Urusan RBS, Andrew Sill pula berkata: "Sebagai penyokong kuat dalam pencarian bakat sukan ini, RBS berbesar hati untuk menjadi sebahagian daripada acara Ragbi Amal KL keenam ini yang mana memberi kami platform membantu para remaja mencapai inspirasi mereka dan memberi sumbangan kepada pembangunan Malaysia."

Selain itu, kejohanan amal ini juga akan dianjurkan satu klinik kejurulatihan ragbi yang akan diadakan pada 28 April ini di Kelab Diraja Selangor (RSC), Bukit Kiara diikuti makan malam amal di Hotel Shangri-La.

Legenda ragbi dunia, John "Bentos" Bentley dari England, Tim Horan dari Australia dan bekas kapten Scotland, Andy Nicol akan hadir pada klinik ragbi tersebut bagi menurunkan ilmu dan kemahiran mereka kepada 100 pemain ragbi remaja pada sesi berkenaan.